

## میر تالپورانی عہدء بلوچ شائزء لبزانت

رحیم بخش مہر

Abstract:

Talpur (Balochi-Talbur) rulers of Sindh have been an eminent and a unique role in the history of Sindh. They have ruled over Sindh for about sixty years and worked for the welfare and wellbeing of the people of Sindh. In the Talpurian era, a lot of Baloch poets emerged as distinguished poets of that time.

This paper exemplifies the Baloch poets and their academic performance of the Talpurian era. It is quite clear that in spite of the political uncertainty during the Talpurian rule in Sindh, the academic work of the Baloch literary men and poets never stopped.

1782ءء کلہوڑوؤء تالپورانی نیامء میانیء پٹء جنگ بوت۔ اے جنگء تہامیر فتح علی خان تالپور سوب مند بوت، کلہوڑوؤ آئی دور آسر بوت ء تالپورانی حاکمی بندات بوت۔ اے حاکمی ء دور ء بارگ کساس شست سال بر جاہ منت۔ میر تالپورانی عہد 1783ءء بگرداں 1844ءء بر جاہ ات۔ رندء انگریزانی دست ء یک مز نیں جنگے کہ آئیء ”میانیء جنگ“ ء نام دینت، اے جنگ ء تہا پر وش ور گا پد تالپورانی ء تو اجہی ہلاس بوت۔

ما وھدے تالپورانی عہدء حاکمی ء دور ء بارگ ء چار ء تپاس کنیں تہ مارا اے عہدء تہا سیاسی حوالہ ء یک مز نیں پر شت ء پر وش، جنگ ء چوپ یے گند گاکیت کہ اشی ء تہا تہی ء ڈٹی ارش کنوک ہو ار انت۔ سیاسی صورت ء اے تو امیں جاورانی است برگا ابید ہم سندھ ء لس مہلوک چہ میرانی واجہی ء وش ء آسودگی مارا تگ ات، اشی ء بندریں سوب یکے میرانی گوں سندھ ڈیھ ء اشی ء لس مہلوک ء گوں مہر ء ایشانی گھبودی ء نیکیں جزبگ بوتگ، دومی آہاں علم ء زانت ء رامزن ارزشت داتگ ء وت ہم عالم زانکار ء علم ء لبز انک ء حب دار بوتگ انت۔ ہے سوب انت کہ اشانی واجہی ء میان ء سندھ ء تہا علم ء لبز انک ء دبیروی ء گام سیاسی جاورانی ہر اب بوھ گا پدی سست نہ بیتگ انت۔

اے نوشٹانک ء تہا تالپورانی شست سال ء حاکمی ء میان ء ہرج بلوچ شائراء لبزانت یے کہ بوتگ آہانی کر تگیں علمی ء لبزانتکی کارانی دیما آرگ ء جھدے کنگ ء اشی ء چہ یک نیگمے تالپورانی عہد ء تہا علم ء زانگ ء پلہ مرزی ء منیل دیما کابینت تہ دومی نیگمہ ہے زمانگ ء سندھ ء تہا آبادیں بلوچ کلکارانی کتگیں علمی ء لبزانتکی کارانی بابت ء دی شون رسیت۔

روح فقیر زلیجہ

روح فقیر زلیجہ ء سیادی چوناباگوں کلہوڑو عہد ء انت، بلے اے نوشٹانک ء تہا اشی ء پرے ہاترا ہوار گیجگ ء اوں کہ یکے و بلوچ شائراء بوتگ دومی تالپورانی عہد ء چہ کے پیش اشی ء وفات کرتگ۔

روح فقیر ء پشت پداں چہ پنجاب ء لڈ ء رتچ کرتگ ء سندھ ء شہر تھریار کر ء ہتنگ ء جہہ مند بوتگ انت۔ روح فقیر بندر ء صوفی شائراء چہ کسانئی ء آئی ء منیل فقر ء نیگات، یک جاوڑے ء چہ اثر مند بوہاں آچہ دنیا ء شزار بوت ء سکھر ء کوچگ کنڈاڑی ء اتک ء آبات بوت کہ اے یک ویرانی ہندے ات۔ روح فقیر وتی عہد ء عالم ء زانکارے ات ء عربی، فارسی ء ہندی زبان ء بلدات۔ سندھی ء سرائیکی زبان ء تہا باز زبانیں شترے گوشنگ۔ ہندی زبان ء تہا بازیں ”منظومات“ گوشنگ ء۔ ”تذکرہ لطیفی جلد اول“ ء نمبشنگ کہ سندھ ء ہج یک شائراء آئی ء درور نہ بیت۔ سندھی ء سرائیکی ء تہا آئی ء کلام ایبات، غزل، کافی ء سنے حرفیانی تہا بہر انت۔ آتصوف ء تہا ”وحدۃ الوجود“ ء عقیدہ ء منوگرات۔ یکی (وحدت) باز (کثرت) ہمہ اوست ء دگہ جیرٹہانی سرا بازپہ ہنر کاری وتی ہیالانی درانگازی یے کرتگ۔ آئی ء گورا ہمک مذہب ء عزت ء شتر پے است ات۔

میاں غلام شاہ عباسی ء روح ء راجو دھپور ء بیکانیر ء وتی سفیر ء جہت ء دیم دات، ایٹی ء سوب ایٹش ات کہ آئی ء مارواڑی زبان ء سرادی مزنیں دزر سے است ات۔ وتی منصب ء کاراں دیما برگ ء ابیدر و حل ء اود ء راجا ء لس مہلوک ء راہندی زبان ء تہا روحانیت ء پیگام شائری ء دروشم ء سرکت۔ (1)

ڈاکٹر نبی بخش خان بلوچ روح فقیر ء بابت ء نمبشنتہ کنت کہ روح ء وتی ہندی کلام ء تہا توحید ء تصوف ء جیرٹہ دیما آؤرتگ انت۔ سندھ ء تہا روح اولی شائراء انت کہ آئی ء ہمہ اوست ء جزبگ ء چہ اثر زوران ء وت اوستی (خودی) نعرہ برزکت۔ اے درگت ء آچہ سچل سرمست ء سر بزاں آئی ء پیشرو انت۔

باپ میرا شاہو ناہیں اس گھر ناہیں بات  
جتے ہم جایا نہیں کال درن نہیں جات (2)

مراد فقیر

مراد فقیر سچل سرمست ء ہمسر ء روح فقیر ء و سرک ء آئی ء مرید ات۔ ہندی، سرائیکی ء فارسی زبان ء تہا شائری یے کرتگ۔ آئی ء شائری ء تہا بن گئی جہت ء مزن شاہیگانی است۔ آئی ء ”سہ حرفی“ باز نامدار انت۔ آئی ء شمرانی یک سلسلو یے عشقیہ گوشتگ بیت کہ اشانی تہا ”معرفت“ ء شش مزلائی بیان کنگ بوتگ، ہمک مزل ء احوال یک دراجیں ’بیت‘ یے ء صورت ء بیان کنگ بوتگ کہ سوت ء جوانیں نمونگ انت۔ مراد فقیر ء ’بیت آئی‘ چیزے نمونگ سیل بکن ات۔ ”رجانک: اے لوٹوک ء تئی مزن شانیں ہستی ء گپ اش کرتگ ء اہتگ۔ چوش کدی نہ بیتگ کہ تئی در ء چے کسے ہشکسیں دستاں گوں واتر بوتگ۔

خلیفہ نبی بخش لغاری المتخلص قاسم

خلیفہ نبی بخش لغاری، لغاری آئی ٹک ء مزن نامیں شائرے بوتگ۔ 1737 ء مٹھی نامیں کوچکے ء ودی بوت، آئی ء کسانى ء ورنائی سندوتى ہند ء گوازینت۔ وانگ ء زانگ ء سرجم کنگا پد میر پور خاص ء تالپور حاکم میر ٹھارو خان ء گوراکار ء روزگار ء اتک، چیزے مدت ء پد کار ء روزگارے یلہ دات ء پیر محمد راشد (پیر پگاڑا اول) ء مرید جوڑ بوت ء وتی ایندگہ زندہ ء ایات ء ذکر ء تہا گوازینت۔ 1785 ء سال ء وفات کرت۔ آئی ء یک سرجمیں کتابے ”سسی پنوں“ ء نام ء مثنوی ء دروشم ء نبشتہ کنگ۔ سندھی ء سرائیکی زبان ء تہا آئی ء شائری کرتگ۔ آئی ء شمرانی تہا تصوف ء جیڑہانی درانگازی است انت۔ بزاں عشق مجازی ء گواچنی عشق ہر دو بینانی دروشم گندگ بیت انت۔ آسندھ ء اولی شائر انت کہ آئی ء ”سُر کیڈارو“ ء تہا کر بلا ء قصہ ء بدل ء راجی جاوڑ ء آجوتی ء جزبگان ء جاہ دانگ۔ سُر کیڈارو ء تہا سکھر ء جنگ ء احوال رسیت کہ جنگی شاعری ء جوانیں نمونگ انت۔ اے جنگ میر تالپور ء شاہ شجاع ء میان ء 1834 ء بوتگ ات۔

حمل خان لغاری

فقیر حمل خان لغاری خیر خیر پور ء نزکیں میتگ خانپور ء ماں 1814 ء ودی بوت۔ آئی ء فارسی ء عربی زبان ء سرامز نیں دزر سے است ات۔ حضرت نسواری ء مرید ات ء آئی ء پیر پگاڑو ء سرباز ستک ات۔ آئی ء شائری سندھ ء لس مہلوک ء تہا باز

نامدار انت۔ شاہ صاحب ءچہ پد درستاں گیسن حمل فقیر ء شاعر ذی دوست کنگ بیت انت۔ آئی ء بازیں شتر سندھ ء تہا بتل جوڑ بوتگ انت ء ہر روچی ایں زند ء کار مرز کنگ بنت۔ سندھی ء سرائیکی زبانانی تہا آئی ء شاعر ذی مزن ارزشت داریت۔ آئی ء شاعر ذی تہانہ تہنا حسن ء مھر ء درانگازی است بلکیں ہما دور ء راجی جیڑ ہانی جوانیں عکس اولں پدر بنت۔ راجی جاورانی راستیں دروشم باز جوانیں وڑے ء پدر کنگ بوتگ انت۔ آئی ء شاعر ذی سندھی ء سرائیکی ہر دوزبانانی تہا انت، بلے گیشتریں بھرے ماں سرائیکی ء تہا انت۔ سندھی شترانی تہا نازر کیںھیال ء یکدر رچی باز بر اھد اریں وڑے ء پدر بیت۔ اے زبانان ابید آئی ء اردو ء تہادی شاعر ذی کرتگ۔ سندھی شاعر ذی ء چیزے درور رجانکی صورت ء بگند ات۔ ”ہو مگر! بیامناوتی دوست ء ہالے بدے، منی چمانی سرا بیابہ نند ء وتی شیر کنیں تو ء گوں مناہالاں دے، ہو مگر من تی دپ دپ ءچہ شہد ء شکل ء پُر کنان۔“ آئی ء ہیر رانجھاء قصہ ء را سندھی زبان ء تہا نبشتہ کنگ۔ حمل لغاری ء کلیات سندھی ادبی بورڈ ء چھاپ ء شنگ کرتگ۔

شاہو خان زنگیجہ

شاہو خان روجل فقیر ء اولی زال ء پُنگ ات۔ آئی ء دگہ براتے غلام علی ات۔ شاہو خان مستریں برات ات۔ آئی ء وانگ ء زانگ چہ وتی آریں پت ء در بُرت ء ہائی ء مجلسانی اثرات کہ آماں تصوف ء نیمگا اتک ء فقیری ء چادرے پوش ات۔ آئی ء سندھی، سرائیکی ء ہندی زبان ء تہا شاعر ذی کرتگ ات۔ یک روچے اچ وتی پت ء گوں ہندی زبان ء

گوشت ء:

گر پُری کم جانیا، کبده پری پچان  
شاہو اب عرض کرے، دیو سرپ گیان  
گیان بنا گم کم پڑے، جب سنگر کہہ سمجھا  
شاہو پر دیا کرو، دیوترت دکھا (3)

فقیر غلام زنگیجہ

فقیر علی زنگیجہ کنڈڑی، نامی اس بزرگ شاعر روحل فقیر پُٹنگ ات۔ روحل فقیر وفات پد آئی، مستریں بچ  
'شاہو' سائیں سجادہ نشین بوت۔ غلام علی، گوں شاہو سائیں، مزن تنک ات۔ آسے راہ ہمانی، مرید بوت۔ فقیر غلام علی، ماں  
1839 م، وفات گرت۔

فقیر غلام علی یک صوفی بزرگے ات۔ آئی، سندھی، سرائیکی، ہندی زبان، تہا شاعری گرتگ ات۔ سندھی، سرائیکی  
زبان، تہا آئی، کافی چہ مہر، واہگ، چکار انت۔ اشانی تہا آئی، وتی مُرشد، شاہو سائیں، نزیکی، مہرانی ذکر گرتگ۔ وتی پت، برات،  
رند پدی، آئی، دی ہندی، تہا شعر گشتگ۔ (4)  
دریاخان زنگیجہ

دریاخان روحل فقیر، کستریں پُٹنگ ات۔ 1190ھ، ماں کنڈڑی (ضلع خیر پور)، دی بوت۔ آکسان ات کہ آئی، پت، وفات  
گرت۔ ہمیشہ آئی، آئی، برات فقیر غلام علی، رودینت۔

فقیر غلام علی، وتی پت، سجادہ نشین ات۔ ہمیشہ دریاہمانی، مرید بوت۔

دریاخان، شاعری سندھی، سرائیکی، بیت، کافیہ، آنی تہانت، آئی، شمار سندھ، نامی سیں کافی گشتیں شاعرانی تہا بیت اس،  
وتی پشیدانی وڑا آئی، دی ہندی زبان، تہا شاعری کرتگ ات:

روگی روگ سریر کی سنگت، نام سوں جیوں جل پانی

دریاخان آس نراس برابر، جو دیکھا ہے سو فانی

نظر علی فقیر زنگیجہ

نظر علی خد بخش سائیں، پُٹنگ، روحل فقیر، نماسگ ات۔ آماں کنڈڑی، دی بوت۔ وتی پت، مرگ، پد آئی، وتی ناکو  
دریاخان، چہ علم در برت، ہمانی، مرید جوڑ بوت۔

فقیر نظر علی، سندھی، سرائیکی، ہندی، اردو، تہا شاعری کرتگ ات۔ آئی، چندے فارسی شعر دی است انت۔ آئی،  
اردو شاعری، چیزے درور بگند ات۔

دل چاہے دلدار کو تن چاہے آرام

دُبدھیا میں دونوں گئے، مایا ملی نہ رام

بھائی چین رائے لُنڈ

بھائی چین رائے لُنڈ نام من بلوچیں شاعرانی لڑے تھا اے ہاترا ہوار گینتنگ کہ آئی تک لُنڈ انت ء ہمک مردم زانت کہ لُنڈ بلوچانی یک تک ایت۔ پمیشک منی گمان ہمیش انت کہ بھائی چین رائے لُنڈ کہ سامی ء نام ء سندھ ء تہا نامدار انت، بلوچے بہ بیت۔ پرچیکہ مئے گورا چشیں بازیں دروراست کہ غیر بلوچ یک رسے کہ ”ھڈ پروش ہشتگ بیت، پمیشی ء ردء رندء بلوچ جوڑ بوتگ انت ء آہاناں بلوچ چاگردی زندء تہا ہما عزت ء شرف دنیگ بوتگ انچو کہ ایندگہ بلوچان ء دنیگ بیت (مذہب ء سوال دیما آرگ نہ بیت) البہ اے درگت ء گیشیں پٹ وپول درکار انت۔

بھائی چین رائے لُنڈ 1750ء ماں شکار پور ء ودی بوت، آئی سیادی گوں لُنڈ تک ء ات۔ ورنائی سندھ ء آئی ء سگت بہاوپور ء سنت سامی منگھیراج ء گوں بُوت ہے سوب ات کہ آوید انت ء چہ اثر مند بُوت ء وتی مُرشد ء نام سامی وتی پتام ایر گرت۔ آداں سدسال ء سندء زندگ ات۔

سایسک مزن نامیں شاعرے ات۔ آئی شاعری گیشتریں بہرے ماں ’بیت ء تہا انت۔ آئی ء وتی شاعری ء تہا وید انت ء سرپدی سوگو ء سادگیں دروشم ء دات۔ بازیں جاہاں چہر ء شُبین ء چیدگ ء چے کارگپت۔ سامی ء شعرانی تہا مارا ہندی ء سنسکرت ء لہزانی کارمرزی بازگندگ ء کیت۔ آئی ء سندھی شاعری ء چیزے نمونگ ماں رجانک ء دروشم ء بگند ات۔

رجانک :- ہر کس ء کہ غرور ء تکبریلہ دات، آپہ ارزانی مہلوک ء دلانی تہا جاہ کننت، سامی ء ہمک

گام ء سراوتی دوستدارے دیدار گرتگ۔ (5)

نانک یوسف

یوسف فقیر عرف نانک یوسف مولوی محمد ہاشم عینتنگ ات۔ آئی سیادی بلوچانی کھوکھر تک ء گوں است ات۔ مولوی محمد ہاشم چہ سبئی ء لڈ ات ء جہل مگسی ء جہہ مند بوت۔ آمز نیں عالم ء زانکارے ات، پمیشک آئی ء راشہر ء مفتی جوڑ کنگ بُوت۔ یوسف فقیر 1192ھ ودی بوت۔ عربی ء فارسی زبان ء تہا علم وانگ چہ وتی پت ء در بُرت۔ وانگ ء زانگ ء سرجم کنگ ء پد آئی ء دستار بندی کنگ بوت، وتی پت ء مرگ ء پد آئی ء راشہر ء مفتی جوڑ کنگ بوت۔ نانک یوسف ء باطنی علم ء ہاترا دشت ء گیابان

گول اتنت ء چلہ کشی کرت۔ آپچل سرمست ء روحانی پسند گانی تہا شمار بوت، وتی مرشد ء گوں تنگیں مہر ء سوب ء مزن برزیاں سر بوت۔ سچل ء حکم ء پدا آماں گبٹ ء جہہ مند بوت، آئی ء وتی مرشد ء گوشگ ء پدا امر تر ء دی سفر کرت۔

آئی ء سندھی، سر اینکی ء اردو زبان ء تہا شاعری کرتگ ات۔ آئی ء فکر ء ازم ء سرا سچل سرمست ء اثر جوانی ء سواد کنگ بنت۔ ڈاکٹر تنویر عباسی ء آئی ء تو امیں شعر یکجاہ کرتت ء چہ سندھی ادبی بورڈ ء نیمگا چھاپ ء شنگ کنا نینت انت۔ نانک یوسف ء سر اینکی کلام چہ سندھی ء گیسین معنادار ء شیر کن انت، چیزے درور بگند ات۔

رجانک: وتی ذات ء تہا بیگواہ بہ بو ء دوست ء ندرگ بکن، تہنا وتی ساء ء انا ء بہ بو۔ اے ساء ء در آیک ء ترس ء مہ جہ، وتی بالاد ء پر اموش بکن، کہ ایشی ء آسرے نیست، وتی نگاہاں نور ء جمال ء بدار ء وتی اندر ء وتی دوست دارے دیدار ء بکن۔ (6)

نواب ولی محمد خان ولی لغاری

نواب ولی محمد خان 1165ھ ء ودی بوت۔ نواب لغاری یک عالم ء زانکاراں مردے ات۔ آئی ء فارسی، سندھی، سر اینکی ء اردو زبان ء سر امزنین دزر سے است ات۔ آئی ء شمرانی دیوان 1806ء ء یکجاہ کنگ بوت کہ اشی ء تہا ”ساقی نامہ“ ء ”مثنوی ہیرا نچھا“، ”موسومہ ہیر“ اوں ہوار انت۔ اے دیوان ء تہا 2060 شمران انت۔ ٹنڈو ولی محمد خان حیدر آباد ء میتگ ہمیشی ء آباد کرتگین انت۔ آئی ء پشپد مروچاں جو دھور ء نندوک انت۔

میر کرم علی خان کرم

میر کرم علی خان کرم تالپور حاکمی ء بن ہشت ایر کنوک میر فتح علی خان ء برات، میر صوبیدار خان شہید ء بٹنگ ات۔ آئی ء ودی بوہگ ء تاریخ ڈاکٹر نبی بخش خان ء وتی کتاب ”سندھ میں اردو شاعری“ ء تہا 1187ھ نبشتگ۔ بلے اے تاریخ پیک نہ انت۔ آئی ء عربی فارسی ء ہمرائی ء قرآن پاک دی حفظ کرتگ ات۔ وتی مستزیں برات میر غلام علی خان ء وفات ء پدا و جہی ء پاک آئی ء سر ادینگ بوت، چوشکھ آوت علم ء لہزانت ء حب دارے ات، پشکھ عالم، شاعر ء لہزانت آئی ء گورا مزنین عزت ء شرفے است ات آئی ء دربار لہزانت ء شاعرانی بنجل ات۔ شاعر ی ء حب آئی ء چہ در کسانا ء است ات۔ فارسی ء اردو زبان ء تہا آئی ء شاعر ی باز زیبائیں وڑے ء کرتگ ات۔ فارسی ء تہا آئی ء دیوان ”دیوان کرم“ ء نام ء مخطوطہ ء دروشم ء است انت کہ اشی ء

بابت ء ڈاکٹر نبی بخش خان بلوچ ء وئی کتاب ء تھا ذ کر کر تگ۔ اردو ء تھا آئی ء شترانی دپتر ”انتخاب لاجواب“ ء نام ء انت۔ اے دیوان آخوند محمد بچل انور ء یکجاہ (مرتب) کر تگ۔ آئی ء شترانی ء بابت ء پروفیسر غلام احمد بدوی چوش نبشتگ۔

”میر کرم علی خان کا تخلص کرم تھا اور وہ صاحب دیوان تھے۔ آپ کے شعروں میں  
سادگی اور شیرینی ہے۔“ (7)

آئی ء فارسی شترانی ء لہتیں درور بگندات:

گفتم بہ ناز و لطف بندہ پا بہ چشم من  
خند و ناز کرد و جفارا بہانہ ساخت  
گفتم کہ روئے تو ہی بینم ز شوق دل  
پوشیدہ روبہ دست و دعا را بہانہ ساخت

میر مراد علی خان

میر مراد علی خان وئی مستریں برات میر کرم علی خان ء وفات ء پد 1828 ء ء حاکم گچین کنگ بوت۔ اے میر صوبیدار خان شہید ء چہ درستاں کستریں پُنگ ات۔ 1188 ھ ء ودی بوت، میر مراد دی چو وئی مستریں برات ء وڑا اردو ء فارسی ء نامداریں شترے ات۔ آئی ء فارسی شترانی دیوان ”دیوان علی“ ء نام ء است انت کہ اشی ء بابت ء دی ڈاکٹر نبی بخش خان بلوچ ء نبشتگ۔ وئی مستریں برات ء عہد وباریک ء فارسی شترانی گچینی دیوان ”محک خردی“ ہمیشی ء یکجاہ کر تگ ات۔ اے بات ء دی مارڈاکٹر نبی بخش خان ء کتاب ء شون رسیت بلے پروفیسر غلام احمد بدوی ڈاکٹر بلوچ ء گپان تپاک نہ کنت ء تاریخ ادبیات مسلمانان پاک و ہند ء تھا نبشتہ کنت کہ اے کتاب محمد بچل انور ء یکجاہ کر تگ۔ (8)

میر مراد علی یک جوانیں طیبے دی بوتگ۔ آئی ء طب ء ازم ء بابت ء ماں فارسی زبان ء ”طب مراد“ ء نام ء یک کتابے دی نوہستگ۔ آئی ء اردو شترانی ء چیزے درور بگندات:

مجھ پر جو ہے احساب گرانبار صنم کا

میں کیا کہوں ہوں میں تو خریدار صنم کا  
ہے عرض علیٰ کا تری سرکار میں مولا  
دکھلاؤ مجھے جلد ہی دیدار صنم کا  
میر محمد نصیر خان جعفری

میر محمد نصیر خان میر مراد علی بٹنگ ات۔ 1219ھ ماں حیدر آباد کلات۔ وادی بوت۔ آئی وانگ و زانگ۔ سرا  
آئی کماش و ہاسیس دگوشی دات، فارسی زبان و وانینگ و ہاتر ایک ایرانی عالم یے آخوند محمد بچل ناینگ بوت، ہے سوب انت کہ  
فارسی زبان و سرا آئی و مزنیں دزر سے بوت۔ فارسی و اردو زبان و تھا آئی و کسان عمری و شائری بنا کرت، اے ہر دو زبانانی آ  
نامداریں شائزے ات۔ وتی پت و بیرانی و پد وتی برات میر نور محمد خان و ہمرائی و سندھ و حاکم جوڑ بوت و دہ سال و پد 24 مارچ  
1833 و میانی و پڑ و چہ انگریزاں پر و رش و رگ و پد بندی کنگ بوت۔ جنگ و پر و رش و دیگ و پد انگریزاں تو میں سندھ و سرا وتی  
قبضہ محکم کت و میر نصیر خان و ہمرائی و سندھ و تو میں میر آن و بندی کرت و پیسر و بمبئی، رند تر و مان کلکتہ و دیم دانت۔ بندی و  
میان و سندھ و اے گڈی این حاکم ماں 1853 و بیران بوت۔ آئی و ”سفر نامہ جعفری“ و تھا وتی دزگیر بوہگ و قصہ، بمبئی و پدا  
کلکتہ و بندی بوہگ و احوال باز پر و در دیں در و شمع و نبشتگ، اے سفر نامہ ماں فارسی زبان و تھا انت و اشی و ہمک شمر پر و در  
انت۔ ڈاکٹر نبی بخش خان و آئی و چندے کتابانی ذکر کرتگ کہ آہانی نام چوش انت۔ دیوان جعفری، مثنوی مرزا صاحبان، مثنوی  
مختار نامہ با تصویر، سفر نامہ جعفری، و مکاتیب جعفری (9)

میر نصیر خان و فارسی و ہمرائی و اردو زبان و لبزاتک و سرادی مزنیں دزر سے است ات و اردو و تھا شائری یے دی  
کرتگ ات۔ اشی و ابید آئی و سندھی زبان و تھا دی شائری کرتگ، آئی و اردو شائری یک دیوانے و بابت و ”تکملہ مقالات الشعر“ و  
تھا ذکر است۔ درانڈ بھی و میان و آئی و سندھی غزلے و نبشتگیں چیزے بندانی رجانک و پیش کناں۔

رجانک: ہما سیاد و دوستانی سرا کہ مادام بھیسہ کرتگ ات آہاں در و رنجانی تھا یلہ دات نوں آہاں یات مکن،  
درانڈ بھی انت، در پردری انت و بندی و جنجال انت اے زند جو عذابے و بوتگ ہدا یگی نوں آہاں یات مکن۔

میر صوبیدار خان میر

میر صوبدار خان میر، تالپور حاکمی بن ہشت ایر کنوک میر فتح علی خان پٹنگ، میر صوبدار خان شہید نما سنگ ات۔  
 1217ھ ماں حیدر آبادء ودی بوت۔ وانگ ء زانگ ء چہ پدنا کوء ہمرائیء ملک ء گر ء داراں ہوار بوت۔ میانیء جنگ ء پر ووش ورگا  
 پدوتی نا کو میر محمد نصیر خان ء ہمرائیء بندیک کنگ بوت ء اشیء دی ہے بندگی ء میان ء اے کوڑھیں امر وزیلہ دات۔  
 میر صوبدار خان میر یک علمی ء لبز انکی مردے ات۔ علم ء لبز انک ء گوں آئی ء یک حاصیل حب ء واگے است ات۔ فارسی، اردو  
 ء سندھی زبان ء تہار د انکار ء شاعرے ات۔ پروفیسر غلام احمد بدوی ء آئی ء چندیں کتابانی لڑچو اے وژا داتگ انت، دیوان میر  
 فارسی، 'مثنوی سیف الملوک'، 'مثنوی ماہ مشتری'، 'مثنوی فتح نامہ'، 'مثنوی خرد شیرین'، 'مثنوی جانی نامہ'۔ (10)  
 اے تو امیں کتاب مان فارسی زبان ء تہا انت۔ آئی ء سندھی شاعرئی ء چیزے درور بگند ات۔

رجانک: اے ساقی من ء ترندیں شراب بواریں کہ من بے وت بہ باں ء وتی دوستارے قربان بہ باں۔ دوستارے ودارے گر مچہ  
 پل بیگ منی دل ء جہان ء آتار کنگا انت، من اے گلستان ء پہ قربان بہ باں۔ (11)  
 میر شہداد خان حیدری

میر شہداد خان حیدری میر نور محمد پٹنگ، میر نصیر خان ء براز تک ات۔ وتی کماشانی وژا میر شہدار ء دی شتر ء لبز انک ء  
 مزان حب ء واگے است ات۔ فارسی ء سندھی ء ہمرائیء اردو زبان ء سرادی آئی ء کا ملیں دزر سے است ات، آئی ء یک شتری  
 دیوانے "دیوان حیدری" ء نام ء است انت، اشیء کساس چار سد ء ہفتاد ء ہشت غزل ء جوک ہوار انت۔  
 میر شہداد ء کتابانی مچ کنگ ء دی باز حب است ات۔ آئی ء بازیں وش نویس وتی گورا کتابانی نقل کنگ ء وتی  
 لائبریری ء مچ کنگ ء ہاتر ادائینگ ات۔ وھدے میانیء جنگ ء میراں پر ووش وارت تہ اے ہم وتی نا کو میر محمد نصیر خان جعفری ء  
 ہمراہ دز گیر کنگ بوت۔ پیسے سورت ء بندی کنگ ات رند ء کلکتہ دیم دینگ بوت کہ ہمودا 1857ء ء اے جہان ء چہ مدا می سفر  
 کرت۔ آئی ء اردو شترانی چیزے درور بگند ات:

گوندھ تو الف پریشاں کو پریشاں مت

رہو

دیکھ کر مجھ کو پراگندہ توجیراں مت رہو



سوبھا فقیرء شعرانی دپتر ”دیوان درد عشق“ء نامء چھاپ بوٹنگ کہ اشئء تہا سندھیء سرائیکیء کافیء چیزے لپے ہوار انت۔

محمد حسن علی خان حسن

میر محمد حسن علی خان حسن میر محمد نصیر خان جعفریء پٹنگ ات۔ 1240ھ ماں حیدر آبادء قلاتء ودی بوت۔ ہما زمانگء نامی میں عالمء زانکاراں چہ علم در برت۔ 1832ئی وہدے تالپورء ٹکء زوال اتکء انگریزانی دستء پرورش وارت اش تہ آوہدء میر حسنء عمر کس اس 19سال ات۔ انگریزانی حلافء وتی پتء ہمراہیء جنگء تہا آئیء دی بہر زرتگ ات۔ جنگء ہلاسیء پد آدی دزگیر کنگء کلکتہء دیم دیگ بوت، ءداں مز نہیں مدتےء ہمودا بندی بوت۔ 1862ء آجو کنگ بوت۔ حیدر آبادء واتریء پد آداں چل ءسے سالء حیات ات۔ ہے میانء آئیء علمء لہزانتکء مز ن خدمت گرت ء ہے پیماتارادزگٹ داشت۔ میر حسن علی خان حسنء علمء زانگء تہا وتی یک جتائیں بستارے ہست ات۔ مذہبء ہمراہیء شعرء لہزانتکء ءگوں آئیء حاصیں دگوشی یے است ات۔ آئیء دو کتاب لسان الحق فارسیء تہا ء احسان البیان اردوزبانء تہار دانک نویسیء جہتء مز ن ارزشت دار انتء مذہبء ءگوں آئیء نزکیء ء نشاندار انت۔ سندھی، فارسیء اردوزبانء سرائیء مز نہیں دزر سے است ات ء ہر سیں زبانانی تہا آئیء لپے ءردانک ہست انت۔ ”رویائے صادقہ“ فارسی ردانک ء لپے ء دروشمء نبشتنگ۔ ہے پیماتصارند مرائیء مناجات دی کتابی دروشمء ہست انت۔ آئیء سندھی ”بیت“ یے ء دروشمء بچارات۔

رجانک: دو لشکر بگوشاں کہ دو دریا بگوشاں، دو لشکر اتنت کہ دو اشکرانی جمہر اتنت۔ (13)

میر علی نواز خان تالپور ناز

میر علی نواز ناز 1883ء ماں ریاست خیر پورء کو نہیں تخت کوٹ ڈبجی ء ودی بوت۔ کہول ء دودء پدا سندھی، فارسی، عربی ء اردوزبانء تہا علم در برگء پدا انگریزی وانگ ء زانگ ء ہاترا کوٹ ڈبجی ء انگریزی اسکولء میٹرک گرت۔ گیشتریں وانگ ء ہاترا لاہورء پدا اوداچہ ماں در ملک ء شت۔ 1931ء ء وہدے آئیء کماش میر امام بخش خان ء وفات گرت تہ ریاست خیر پورء حاکم جوڑ کنگ بوت۔ خیر پورء لس مہلوک ء گہتریء ہاترا آئیء بازیں گانگج زرت۔ شعرء لہزانتکء ساڑاگ ء کمکی تالپورانی راجی سپت ات۔ اے روایتء آئیء دی دیروی دات، آئیء دربارء دی بازیں لہزانت ء شاعر است ات۔ آئیء وت دی شعرء لہزانتک ء گوں حاصیں ءے است ات۔ اردوزبانء تہا آئیء شعرانی کتابے دی است انت۔ آئیء عمر خیامء

رباعیات ماں اُردو زبان ء تہا رجانک گرتنت۔ آئی ء زبان ء تہا یک فطری ریچ ء شیر کنی یے است ات۔ آئی ء اردو شعرے ء بندے بگند ات۔

میری آہوں سے کیوں بگڑتے ہو  
تم تو چلتی ہوا سے لڑتے ہو  
نواب غلام شاہ لغاری

نواب غلام شاہ، سر وزیر نواب ولی محمد خان لغاری ء بر از تک ء نواب غلام اللہ خان لغاری ء پیٹنگ ات۔ آئی ء ودی بوہگ ء سال پک نہ انت بلے بازیں پٹ ء پول ء تہا 1214ھ نیسیگ بوہگ۔ میر تالپورانی زوال ء پد آئی ء دل چہ دُنیا ء پُرشٹ ء آصونی بزرگ حضرت فضل اللہ شاہ قلندر ء مرید جوڑ بُو ت ء ءوتی زند ء ایند گہ روچ حد اء یات ء ذکر ء تہا گوازینت ات۔ آئی ء سندھی، اُردو، فارسی ء سرائیکی زبان ء شاعری کرتگ۔ آئی ء شاعری ء گیشتریں بہرے مذہبی رنگ ء صوفیانہ فکر ء خیال ء درشانی نمونگ ات۔

نواب اللہ داد خان لغاری صوفی

نواب اللہ داد خان لغاری، سر وزیر نواب ولی محمد خان ء پیٹنگ ات۔ 1828 ء ودی بوت۔ ہما زمانگ ء رواج کپتنگیں دود ء پداوانگ ء زانگے در برت رند تر ء میر محمد نصیر جعفری ء دربار ء گوں ہمگر نچ بوت۔ وھدے سندھ ء سرائیکی زبانوں ار شکر ت تہ اللہ دار آوھداں ورنہ ات، بلے آانگریزانی رپک ء ہنراں چہ بلد کار ات۔ آہاں 1847 ء ء آرتراوتی انتظامیہ ء تہا ہوار کرت، سندھ ء سرائیکی زبانوں ارش ء پد نواب اللہ داد کوٹ لاشاری ء چہ منند بوت ء ہمودا 1883 ء ء 62 سال ء عمر ء وفات کت۔ وتی اگدہ ء چہ ریٹائر بوہگ ء پد آئی ء تصوف ء شتر ء شاعر ی ء نیمگا وتی ہیال گور کت۔ آوتی وھد ء جوانیں شاعر ء لہزانتے زانگ بیت۔ صوفی آئی ء پٹام ات، آکتاب ء واجہ ات۔ فارسی ء ابید سندھی، سرائیکی ء اردو زبان ء تہا آئی ء باز جوانیں سسا ساجیلہ داتگ۔

نواب تاج محمد خان لغاری

نواب تاج محمد لغاری، نواب غلام اللہ لغاری ء پیٹنگ ء نواب ولی محمد خان لغاری ء بر از تک ات ء نواب غلام شاہ لغاری ء کستریں برات ات۔ ڈاکٹر نبی بخش خان بلوچ ء آئی ء ودی بوہگ ء سال 1240ھ ء وفات ء سال 1300ھ نبشتگ۔ میر تالپورانی

زوال و ہمدہ آئی و عمر کسان ات بلے دربارے گوں ہمگر نچی فطری ات۔ وقتی خاندانی دود و پدا شتر لہزانتک و گوں نزکی آئی و درگی و  
ر سنگ ات۔

میر عبدالحسین ساگی

میر عبدالحسین خان، میر عباس علی خان و پٹنگ و میر نصیر خان و نماسگ ات۔ آماں بندی و زمانگ و 1851 و کلکتہ و  
ودی بوت۔ آئی و مات انگریزی ات۔ وقتی ناکو میر محمد حسین و ہمرائی و 1863 و آجو بوت و پدا و اترا ت۔ کلکتہ و آئی و  
فارسی و چیزے سبق و تنگ ات۔ سندھ و واتری و پدا و آخوند احمد و مولوی ابو الحسن و چہ فارسی و اردو و لم در برت، پدا و گیشیں و انگ و  
زانگ و پدا و سیشل مجسٹریٹ و آگدہ و سر بوت۔

فارسی، اردو و سندھی ہر سیں زبانی تہا شاری کرت و دانتک نویس ات۔ زمیل و گوں آئی و ہا سیں نزکی یے است  
ات۔ سوز ساگی و نام و آئی و بازی کافی نبشتگ۔ آئی و سے دیوان و ڈاکٹر نبی بخش خان و یکجا کرتنت و کلیات ساگ و نام و چہ سندھی  
ادبی بورڈ و نیمگا چھاپ کنت۔ شاہ عبدلطیف بھٹائی و گوں آئی و ہا سیں مہر و واگے است ات۔ شاہ و گوں ہمگر نچیں بازیں  
روایت یکجا کرتنت و ”لطائف غیبی“ و نام و چھاپ بوتگ ات۔

ساگی و دور سندھی شاری و پہ مزن ارزشت داریت۔ ہمے زمانگ و سندھی و اردو شاری و لہزانتکی مجلسانی بندت بوت۔  
اے مجلسانی تہا سندھی و اردو نامی ایں شاعر لہزانتاں بھر زرتگ ات کہ چریشی سندھی و اردو شاری و دانتک و مزن دیمروی  
کرت۔

ساگی سندھ و مزن نامیں شارانے۔ آئی و سندھی لہزانتک و کوہنیں دود بدل کرت ات، بن گپی و فکری جھت و آئی و  
سندھی شاری و تہا شاہیگانی و آورت۔ ہا سندھی غزل و رانویں ہیال و فکر و چہ آشنا کنگ و آئی و کردسک برزانت۔ سندھی  
شاری و چیزے درور بگندت:

رجانک: مہران و بدن و گھار و تیاب کشمیر و ترانگ و پرنیت۔ (14)

نواب حسین علی خان

نواب حسین علی خان، نواب اللہ داد خان پٹنگ ات۔ 1264ھ ء وودی بوت۔ شائری ء حب آرزو در کسانى چہ وتى پت ء رستگ ات۔ آئى ء گیشترى شائرى ماں سندھى زبان ء تہانت۔ سندھى زبان ء تہا آئى کافی باز جوان انت۔ سندھى زبان ء ابید آئى ء اردو ء تہادى وتى ہيال در شائنگ ات۔  
نواب فقیر ولی محمد خان لغاری

نواب ولی فقیر محمد خان لغاری، نواب احمد خان پٹنگ ء نواب ولی محمد خان لغاری ء نماسگ ات۔ 1836ء ء ماں حیدرآباد ء شہر ٹنڈو ولی محمد ء وودی بوت۔ وھدے سندھ انگریزاں دست گپت تہ نواب احمد خان وتى دوئیں پٹنگ نواب فقیر ولی محمد ء بخش علی خان ء زرت ء پنجاب ء نیمگا لڈ ات۔ سندھ ء تہا ایمنی بر جاہ بوھ گاپد آواتر انت۔  
نواب فقیر ولی محمد ء تصوف ء گوں ہاسیں نزیکى یے است ات۔ آئى ء سندھى، سرانیکى، فارسى ء اردو زبان ء تہا وتى فکر ء ہيال شترى دروشم ء دیما آورتگ ات۔ آئى ء شترانى دپتر ڈاکٹرنی بخش خان بلوچ ء یکجاہ کرتگ ء سندھى ادبى بورڈ ء نیمگا چھاپ کرتگ۔  
آئى ء اردو شترانى چیزے درور بگند ات۔

ذات ہے میری ملک عدم میں داخل  
قسمت مجھے پھنسا یا اس زلف کے رسن میں  
ظلمات سے سکندر خالی نکل گیا وہ  
عاشق وصال پایا معشوق کے دقن میں

آسر

ھواریں صورت ء اگاں میر تالپورانی عہد وباریگ ء ریس وپریس علمى ء لبز انكى جھت ء کنگ بہ بیت تہ اے ہبر دیما کیت کہ سندھ ء تاریخ ء تہا میرانى عہد ء چہ درستاں گیشن علمى ء لبز انكى پر ء دیمر وی بیگ۔ اشی ء سوب چوشکہ سرانہ شنگ کہ میر تالپور حاکم یکے ء وت علمى ء لبز انكى مردم بوتگ انت، دومى آہاں عالم ء زانکارىں مردمانى پلہ مرزى دی کرتگ۔ اے نوشتانک ء تہ تہنا بلوچ شائر ء لبز انتانى بابت ء ذکر بوتگ، بلے راستیں ہبر ایش انت کہ میرانى دور ء علم ء لبز انک ء دیمر وی ء سندھ ء تہا آبادیں ایندگہ راج ہاس سندھى دی پشت ء نہ بوتگ انت۔ سندھ ء تہا شائری ء جھت ء شاہ عبدالطیف بھٹائی ء چہ پد درستاں گیشن ہما صونى

شاعر کہ نامدار بوتگ آ سچل سرمست انت کہ 'شاعر ہفت زبان' گوشتگ بیت آئی سیادی دی ہے میرانی عہدء بارگء ات۔ تاریخ تہا اے راستی دی است کہ سچلء بازیں جاہاں وتی راست گپتاریء پدا میرانی حاکمیء سر امز نہیں ایرادے گپتگ ات بلے آہاں پرے گپء کدی دی بدنہ برتگ بلکیں سچلء رامدام مزن عزتء شرف بخشا تگ۔ اے آہانی علم دوستیء مز نہیں درور انت۔ ہے پیما سندھی زبان لہزانتکء تہا مرزا قلیچ بیگء نام مزن ارزشت داریت، آئی سیادی دی ہے میرانی عہدء بارگء ات۔ ایشاں ابید صدیق فقیر سومرہ، آخوند محمد انور بچل، مولوی عبدالکریم، محمد عظیم الدین عظیم تتوی، مرزا فتح علی بیگ، مرزا قاسم علی بیگ قاسم، سید ثابت علی شاہء دگہ بازینء نام دیما کالینت۔

گڈ سرا ہے گوشاں کہ میر تالپورانی عہدء بارگ کہ شست سال ات، اے میانء سندھی، سرانگی، فارسیء اردو زبانء لہزانتکء مز نہیں دیروی کرت۔ اے دیرویء بندریں سوب میرانی گوں علم لہزانتکء مہرء دوستیء نیکیں جزبگ اتنت۔

سرشون:

- 1: صفیہ بانو، ڈاکٹر، امیرانِ تالپور، سیاسی و ادبی تاریخ، علامہ اقبال اوپن یونیورسٹی، اسلام آباد، اشاعت اول 1989، تاکدیم 107
- 2: بلوچ، نبی بخش خان، ڈاکٹر، سندھ میں اردو شاعری (از شاہجہان تاقیام پاکستان)، مجلس ترقی اردو، لاہور، طبع سوم 1987، تاکدیم 45
- 3: ہمیش، تاکدیم 7
- 4: ہمیش، تاکدیم 98
- 5: صفیہ بانو، ڈاکٹر، امیرانِ تالپور، سیاسی و ادبی تاریخ، تاکدیم 120
- 6: مطالعاتی رہنما، کورس سندھی، سرانیکلی، کشمیری زبان و ادب، کوڈ 2725، علامہ اقبال اوپن یونیورسٹی، اسلام آباد، تاکدیم 327
- 7: بدوی، غلام احمد، پروفیسر، تاریخ ادبیات مسلمانانِ پاک و ہند، تیرہویں جلد، حصہ اول، جامعہ پنجاب، لاہور 1971، تاکدیم 538
- 8: ہمیش، تاکدیم 540
- 9: بلوچ، نبی بخش خان، ڈاکٹر، سندھ میں اردو شاعری (از شاہجہان تاقیام پاکستان) تاکدیم 112
- 10: نین زندگی، ماہوار، بابت ماہ نومبر 1954، تاکدیم 23
- 11: میمن عبدالمجید سندھی، سندھی ادب کی مختصر تاریخ، تاکدیم 366
- 12: صفیہ بانو، ڈاکٹر، امیرانِ تالپور، تاکدیم 137
- 13: ہمیش، تاکدیم 157